



1. november 2008

Inatsisartut Suleriaasianni § 36, imm. 1 naapertorlugu matumuuna Naalakkersuisunut ataani allassimasunik apeqquteqarniarpunga:

Meeqqat atuarfiat pillugu Naalakkersuisunut apeqquteqaat
(Inatsisartunut ilaasortaq Jørgen-Ole Nyboe Nielsen, Demokraatit)

Tunngavilersuut

Meeqqat atuarfianni atuartut ilikkagaqarnissaat atuartitaanerullu pisariaqartitamik pissarsiarinissaat Demokraatinut pingaartuuvoq. Tamanna tunngavigalugu Naalakkersuisunut imaattunik apeqquteqaateqarniarpunga:

Meeqqat atuarfianni ilinniartitsisut qassit amigaataappat atuartitsineq ima ingerlasinnaassappat atuartitsinissamut pilersaarutit tamarmik inatsiseqarnikkullu piumasaqaatit pioreersut naammassineqarsinnaallutik?

Akunnerit atuartitsiviusut qassit ilinniartitsisutut ilinniarsimanngitsunik atuartitsisoqarluni ingerlanneqartarpat?

Akunnerit atuartitsiviusut qassit naammassineqanngitsoortarpat?

Qulaani taaneqartut ukiut aggersut tallimat ingerlaneranni qanoq allannguuteqarnissaat Naalakkersuisut naatsorsuutigaat?

Suliniutit suut Naalakkersuisunit aallartinneqarpat aamma meeqqat atuarfianni ilinniartitsisut naammattut qulakkeerneqarnissaannut aallartinneqartussatut naatsorsuutigineqarpat?

Apeqquteqaatinnut akissutit tiguneqarnerminninngaanniit kingusinnerpaamik ullut suliffiusut qulit qaangiunneranni akineqarnissaat piumasaraara.